

乾隆歷城縣志

歷城縣志卷第五

地域考三

風俗

隋書云青齊風俗男子多務農桑崇尚學業劉敏中云  
貴禮尚義長老有勤儉之範子弟多絃誦之風以今考  
之遺化猶存而器風時作轉移化導存乎長吏南陽好  
商賈召父審以本業賴川好分異黃霸化以篤厚況歷  
風末流滋弊何可不變哉舊志

濟河間曰兗州李巡云濟河間其氣專質厥性信謙

故曰充充信也

爾雅邢  
疏

太史公曰吾適齊自泰山徂之琅邪北被於海膏壤

二千里其民潤達多知其天性也史記齊世家

齊故為文學之國然亦以朋比誇詐見於習俗曾華南豐

類稿

齊郡舊曰濟南其俗好教飾子女淫哇之音能使骨

騰肉飛傾詭人目俗云齊倡本出此也隋書地理志

大抵數郡風俗與古不殊男子多務農桑崇尚學業

其歸於儉約則頗變舊風同上

愚按今齊俗比燕趙諸郡號為朴野惟濟南水陸輻

湊商賈所通倡優游食頗多皆非土人欽佐庶繁月

朔望行香三皇廟廟旁見倡家立柳逐之連今城中

無此輩上官賢牧存心風化此亦易事云

齊東

濟南人敦厚淵達多大節

程元達附堂記

漢興承秦滅學之後濟南伏生口授尚書為萬世經

師之首其他醇儒莊士有節義名檢者無代無之信

乎天下之名郡無以加此

李和雲陽集

濟南府習尚敦厚俗皆務本

李賢等大明一統志

鄉飲舉以歲正月望十月朔賓主介俱鴈坐相向歌

鹿鳴四牡皇皇者華讀律

卷

射禮設圃於學耦各以齒中的者飲三爵中采者飲

二爵負者階下取觶立飲射畢各揖而退

冠禮前輩筮賓醢子甚慎歷俗總角弱冠皆從其便  
婚禮雖親迎不事事有古禮女亡多反面相訟大  
為惡風甚有乘凶扶婦者尤所當禁

喪禮始死三日殮焚用楮帛叩賻者至倩客迎賓逢  
七延浮屠追薦葬日置冥器列鼓吹導擁士民所  
近日牙僧者流爭塗耳目墓起樓坊術設棚障侈  
白之觀壞百年之俗持正君子甚恥之

祭禮士大夫有家廟藏主於中祖考龕櫝依次祔焉  
累世不祧凡遇祭期則刑難以薦寒食墓祭即享神

胙於旁雖販夫販婦亦知負楮鏹以往

士人好讀書多盟社愛鼎者決歲不至公門且踰將恐後莫敢有雌黃時政覲縷官府者獨是近日優贍無聞稅役交應謀食無計吁嗟聲漸衰矣

農夫富者食田貧者食力一遇凶歉家無隔宿刳諸差皆出於農車戶等役遭之輒為破家殃及族閭工匠不作濫巧惟務本業數年來工役煩興餽口不給妨於官不得不取償於民故今之工價皆倍昔時矣

孟春月元日昧爽設香燭牲醴祀神祇祖先家人稱

壽及旦戚里相賀三日編謁諸神祠宴親友元夜通衢張燈放花炬男女羣遊謂之走百病過橋放河燈是月也女輟鍼工童子入塾農于耜

仲春月二日打灰固逆女歸寧春分日為春酒是月也冰泮草生農舉趾會姻

季春月遊人徧於郊原名曰踏青三日上馬鞍山蟠桃宮寒食祭墓標紙錢增新土是月也女為鞦韆戲麥始生木始華桑始蠶多登岱起岳社

孟夏月八日為佛浴日僧作盂蘭會徧鄉士女咸上東嶽廟此極廟是月也蠶繭登

仲夏月五日書門符懸艾虎繫絲黍角相餽士大夫  
攜酒泛舟作折筒飲即小民亦攜壺刻飲樹下十  
三日作醮社祠關侯燕飲為樂是月也麥始登婦始  
繅

季夏月六日汲水作酒麴士曬書農曬麥女曬衣伏  
日造醬是月也黍始登

孟秋月七夕設瓜果乞巧婦歸寧中元日祭墓僧作  
水陸醮是月也穀始登

仲秋月中秋設果餅飲月下咸里饋糕餅瓜果是月  
也木綿始登婦紡績



季秋月九日作菊糕登高婿女互貽服食是月也釀菊酒醯瓜菜

孟冬月一日拜墓送寒衣農家塲場十五日下午修醮是月也畢塲功設讌會

仲冬月至日祀先逆女官拜闕士拜師民祭祖是月也農始蠶婦始織

季冬月八日食臘粥好施者濟貧童男女剃頭女鈐耳二十四日設湯餅米菜祀竈除日易門神桃符春帖插芝麻糝於壁挂長錢是夕辭歲熱爆竹焚蒼木家人設酒守歲是月也掃舍宇新牆垣備薪米多嫁

娶立春先一日迎芒神設饌士人畢會老稚胥觀至期鞭土牛農商百藝咸持器以走春

南鄉之民知耕耘善樵牧椎魯畏官法故長年之叟終身不知官衙其產也宜棗栗多藥材多炭薪

東鄉之民習農事多讀書性聰察善興訟故俗號殷富士多振拔其產也多材木多蒲葦

西鄉之民務稼穡知誦讀性輕率其產也多瓜蒌多絲綿

北鄉之民治畦圃性樸鄙其產也多粳稻多蔥蔬

東關土厚水深其人敦樸然失也鄙西關水清山秀

其人文雅然失也華南開地術民雜其人勇悍然失也  
戾諺云東麥西米南柴北菜又曰東開胡餅西開  
酒好溪出南門口此言雖鄙蓋亦確論矣

五美

舊乘有五美五惡之論附載

樂輸將 歷民不俟催科輸納如流自癸酉秋糧衙  
役倡為納黃米之說胥自買米非其米即車輛雲集  
守候經旬亦不得納民始怫然喪氣矣夫邑有美俗  
最不易得奈何使利歸於下怨斂於上壞淳風而貽  
官謗乎

務木業

人皆種田藝圃貧者則樵採傭工遠販者

少男則貿易女則紡織在鄉者多務樹畜之業有僻  
在深山老死不識衣冠者

讀書 章縫家多教其子弟以繼書香即農夫胥役  
亦知延師學館如雲名社相望昔所謂齊魯文學皆  
天性倘歷得之者多與

士夫不放債 士大夫挾橐中裝而問舍求田猶其  
上者乃放債以權子母之利刀錐相競以魚肉鄉曲  
歷之鄉紳羞為之故多貧

婦女不出官 秦晉間有事多婦女出告歷之婦女  
即有卒及者輒百計求豁故多節烈

五惡

衙蠹 無籍之人投售官府志在勾攝以濾民血髓  
又有富室求免差役動以數百金買為探快一差破  
兩一票數出惡如狼虎非數十金不敢獻跨馬橫行  
即士夫不敢望可謂煊赫之極

送訪 鄉曲挾讎即賄窩家捏事件送訪雖良有司  
自昭雪之然一拿則身家盡破即明知其冤則曰訪  
犯也姑薄治之卒使無所控訴

串盜 無論強竊無窩則賊無所寄大都皆捕役為  
之故人寧失盜不敢報報則盜未必獲而失主先受

其歿比之急則妄攀無辜以肆其詐比之緩則坐地分贓而莫之誰何矣

火囚 民有訟之官者審其無事而放保寬之也有姦民以賣飯為名串通衙役窩屯之無論飯高其價男子受其拘禁婦女任其姦淫嘗有數月不能見官者亦可矜之甚

牙儉 若輩假以官稅為名物擡其價致使騰貴又有一等市虎坐收龍斷之利大肆把持此貨財所以不通也

以上俱舊志

王象春登高詩登高須上大佛頭紅樹黃花急暮秋

佛慧寺旁看石壁試茶幾代有題留

齊告

東麥詩大麥乾枯小麥黃詫聞二月捕飛蝗休言北

地惟宜麴南客翻來糴硬糧

北地專以麥為生今歲反自南至東俗稱麥為

硬糧一麥可敵三穀

鋪衙詩車載騾駝送舊爺花關催票又鋪衙蜩鬚怒

吏聲填巷偈徧行頭十八家

城中衙署最多器用供帳上官當連代之後多

帛卷一空行戶有皇龍牌騾投里甲又須煥然一新四五併命者不知幾何人

官舫詩銷金鍋子說杭州江北何曾解浪游今日放

舟明日酒笙歌聲裏失民愁

西門道詩古道朝京踏作河寒泉無奈熱腸何東門

一樣垂官柳只是西門送客多

以上俱齊音

### 方產

舊志序曰歷下南方之美者有漢帝之金杏焉北方之美者有鄭公之碧筒焉西北之美者有陽起之石焉餘如不知名之奇卉自呼名之山鳥盡為北出以資多識其所載亦云博矣茲復稽之傳記補其未備或以遠及泰山為嫌夫縣之南境百里而遙幾分泰山之半今雖力為採摭猶懼漏略矣豈曰以多為貴也哉

兗州桑土既蠶是降邱宅土

尚書禹貢

兗州厥貢漆絲厥篚織文

同上



地宜漆林又宜桑蠶織文錦綺之屬盛之筐篚而貢

馬

尚書孔安國傳

青州岱畎絲枲鉛松怪石

尚書禹貢

畎谷也怪石好石似玉者岱山之谷出此五物皆貢

之

尚書孔傳

怪石奇怪之石故云好石似玉也枲麻也鉛錫也岱

山之谷有此五物美於他方所有故貢之也

尚書孔穎達正義

五

泰山其上多玉其下多金有獸焉其狀如豚而有珠

三名曰狍狍

山海經東山經

兗州其利蒲魚其民二男三女其畜宜六擾其穀宜

四種

周官職方氏

四種黍稷稻麥

周官鄭元注

知四種黍稷稻麥者以其東與青州相接青州有稻

麥西與冀州相接冀州有黍稷故知也

周官賈公彥注疏

中有岱嶽與其五穀魚鹽生焉

爾雅

山東多魚鹽漆絲聲色

文記貨殖傳

太公勸女功極技巧故齊冠帶衣履天下

同上

齊魯千畝桑麻其人皆與千戶侯等

同上

東平陵有工官鐵官 歷城有鐵官

齊書地理志

濟南郡東南分流山上多杏大如梨黃如橘土人謂

之漢帝杏亦曰金杏

西陽雜俎

齊州土貢絲葛絹綿防風滑石雲母

新唐書地理志

歷城有鐵

同上

兗州雲母一名雲珠色多赤一名雲華五色具一名

雲英色多青一名雲液色多白一名雲砂色青黃一

名璘石色正白生泰山山谷齊廬山

唐慎微重修政和經史証類備

本草

圖經曰陽起石生齊山山谷及琅邪或雲山陽起石  
今惟出齊州他處不復有或云邢州鵲山亦有之然

不甚好今齊州城西惟一土山石出其中彼人謂之  
陽起山其山常有溫暖氣雖盛冬大雪徧境獨此山  
無積白蓋石氣薰蒸使然也山惟一穴官中常禁閉  
至初冬則州發下夫遣人監視取之歲月積久其穴  
益深鑿他石得之甚艱以色白肌理瑩明若狼牙  
者為上亦有挾他石作塊者不堪每歲採擇上供之  
餘州中貨之不爾市賈無由得也貨者雖多而精好  
者亦難得舊說是雲母根其中猶挾帶雲母今不復  
見此色古服食方不見用者今補下藥多使之採無  
時

齊州陽起石一名白石一名石生一名羊起石雲母根也

赤石脂生濟南射陽及泰山陰採無時

白石脂生泰山之陰採無時

阿婆趙榮二藥齊人以白薑石大屎緋帛棘鍼鈎等合成如堊硬土作丸主惡瘡出齊州

石膏生齊山山谷及靈山採無時

代赭石一名須丸一名血師生齊州亭山

薑石生土石間齊州歷城東者良所在亦有今惟出齊州其狀如薑有五種色白者最良採無時

石鍾乳生泰山

滑石生泰山之陰

太一餘糧一名石腦生泰山山谷九月採

紫石英生泰山山谷採無時陶隱居云泰山石色重  
澈下有根最佳

元石生泰山之陽山陰有銅銅者雌元者雄

長石生泰山

人參生泰山

抱朴子及神仙服食方云天門冬一名顛棘在東嶽  
名淫羊藿

月地山  
姜薤生泰山山谷

赤箭生泰山自齊鄆而來者為上

青芝生泰山

黃連生泰山

絡石一名石鮫一名石蹉一名略石一名明石一名  
領石一名懸石生泰山川谷

天麻生泰山

丹參生泰山

半夏一名守田一名地文一名水玉一名示姑以齊  
州者為佳

千歲繁生泰山川谷

景天一名戒火一名火母一名救火一名據火一名  
慎火生泰山川谷四月四日七月七日採

茵陳蒿生泰山

石龍芮一名魯果能一名地堪一名石能一名彭根  
一名天豆生泰山川澤石邊五月五日採子二月八  
日採皮

徐長卿一名鬼督郵生泰山山谷

王不留行生泰山山谷二月八日採

瞿麥生泰山川谷立秋採實



齊州秦艽 鬼臼 朮 澤瀉

齊州遠志生泰山

防風唐本注云今出齊州龍山最善

五味子生齊山山谷八月採

藜蘆一名葱薺一名葱葵一名山葱生泰山山谷三月採根

澤漆生泰山川澤三月三日七月七日採莖葉

茵芋一名莞草一名卑共生泰山川谷三月三日採葉

連翹生泰山山谷八月採

松脂一名松膏一名松肪生泰山山谷

栢實生泰山山谷栢葉元良

茯苓生泰山山谷大松下二月八月採

女貞實山海經云泰山多真木是此木也

木蘭生泰山十二月採皮

秦椒生泰山山谷八月九月採實

龍骨生泰山巖水岸土穴中

伏翼一名蝙蝠生泰山山谷

蛭螭一名蝸牛生泰山池澤

麻黃生泰山山谷

大豆生泰山平澤

遂石生泰山陰採無時

以上俱重修政和經史證類備用本草

齊州土貢綿絹陽起石白堊石防風

太平寰宇記

濟南府貢綿絹陽起石防風

宋史地理志

齊魯之間魴為下色鯉為中色鯉為上色

陸佃埤雅

濟南府土產雲母石陽起石白礬石鴛管石澤瀉三

稜草俱歷城縣出

明一統志

藥山上有簽金草如小竹能點勾金添赤色其法曬

乾為末加黑礬些須敷勾金上外用髮纏灰火中煨

燒前山生八卦草如盤陰雨望之則見

郝煜旼香館遺文

穀之屬有小麥大麥麥之六稜者為六稜麥露仁者  
為青顆麥宜飯宜醢宜餲有穀有黍稷稻粱稗糝  
子玉麥菽豆紅豆豇豆黑豆豌豆大豆黃豆小豆小  
豆有赤白黎黑四種有薏苡秫秫有紅白黑三種白  
者佳其莖稈似禾而粗大俗呼高糧又有玉秫有芝  
麻宜油有蕎麥入伏種霜前收可佐二麥之歟

稽志

棉處處有之東北鄉獨多又有麻有苧

蔬之屬其習用者有芹白者食根赤者食葉其生於  
水者曰水芹有蕨生於南山三月初如拳可為茹亦  
可為粉有白菜趵突泉東者尤佳其冬月地窖中生

者為黃芽有蔓菁菜芋菠菜蔓菜有韭春初秋晚兩  
擅其美冬月窖生者曰韭黃又有山韭其味辛有蒟  
蘆蘿蔔根莖皆可食一名蘿服紅蘿蔔形如瓶亦有  
白者紅者味辛胡蘿蔔色黃味甘亦有赤色者有劈  
藍黃瓜稍瓜西瓜甜瓜冬瓜北瓜番瓜南瓜茄水茄  
山藥扁豆俗名着豆有二種或青而長或白而肥有  
絲瓜蠶豆瓠蒿苣俗名生菜蕒藤蒿莧有羊肚柳  
埠沙濕產之木耳天花柳埠以南產之香蕈甘露蘑  
菇城東北下濕地多產之有天茄香菜胡荽胡荽一  
名莞荽有葱近水者甘近山者辛有芥紫芥作齋白

芥入藥有蒜其苔可為蔬有金豆長豆角刀豆苜蓿  
香芋金簪泰椒其野蔬有馬齒莧地瓜白花菜茅蒿  
馬勃色味如蕈圓大如瓜生濕地青薊菜地踏蒜即  
地灌皮山芥菜山花耐驚菜紫菜匙頭菜薺筆管菜  
苦苣菜杏馥苗即苦參苦菜銀條菜燈碗菜地棗灰  
菜驢駒嘴薇兔兒酸剪刀股茶

花之屬有牡丹芍藥蠟梅海棠又有秋海棠鐵角海  
棠柳葉桃蓮有紅蓮白蓮樓子千葉諸名薔薇葵蜀  
葵芙蓉繡球菊丁香紫薇一名紫綬俗名百日紅瑞  
香玉簪藤花迎春雞冠鳳仙一名指甲桃剪絨水紅

花有紅白二種即夢花也金錢花一名夜落金錢石  
竹木槿月季滴滴金雞陽花一名金盤萱花金盞花  
玫瑰俗名香刺梅剪秋羅捲丹花金銀花馬櫻花十  
樣錦雁來紅俗名老來少素馨花望江南探春花紫  
荊鼓子花即穀子苗山丹郁李花結香玉蘭蝴蝶鑽  
凍花盛冬始開故名木香花有純白者有紅白兼者  
有一莖數朶者俗呼百穗頭一名白木香八仙花米  
穀花一名金粟珍珠花色白多莖似珠而香紫羅花  
竹葉梅金雀花老鴉花刺頭花百合馬蘭金菊六月  
菊無絲菊小桃紅半夷花狀元紅地棠孤亭花其紫

色者名紫玉簪牽牛花有藍白紫三種俗名江娘子  
映山紅五色梅轉枝蓮草牡丹至於梅桂茶茉莉水  
仙梔子諸花皆至自南方不恒有

木之屬有松柏椿春初採葉可為菹蓄之可以禦冬  
有槐榆桑柳柳有三種金線者佳有棠棣梧桐青桐  
青楊白楊赤梁楮棟樗櫟與椿相似椿葉疎而香櫟  
葉密而臭有楷其芽可食俗名黃練芽有荊檀藥楸  
柘榕檣椶畫皮櫟四季槐白蠟苦梨八麻栲榆黃楸  
刺楸三川柳冬青連理樹

草之屬有蘭有蕙一幹一花而香有餘者蘭幹五七



花而香不足者蔥有芝山間尤多有蕤萱苔苔即石  
衣有蒲可為簍有薜荔俗名巴山虎枝柔葉密附壁  
而生有葦莖管虎鬚草綉墩萍藻荇樓閣前蓬有  
女蘿即兔絲也有薔華俗名鬼麥有垂盆草烟蘿有  
慎火草俗名佛指甲有珍珠蒿太乙藜莎潤和草吉  
祥草纓絡垂珠

竹多水之地宜之湖上萬竿其大可把

果之鵝有梅黃似杏味酸有桃形匾者曰匾桃冬熟  
曰秋桃有杏見酉陽雜俎者名金杏又有把丹杏核  
亦可食又有海東紅銀杏梨有紅綃秋白香水鵝梨

瓶梨諸種有石榴櫻桃有林檎一名來禽胡桃俗名  
核桃有栗柳阜南營產獨盛棗有圓鈴棗小棗脆棗  
諸種北鄉者佳柿十餘種南山皆有大澗溝獨盛有  
蘋婆亦曰平波有榛子李子奈子羊棗桑椹文官果  
沙果沙果有蜜果秋果硃砂紅棹線紅諸名有葡萄  
錦荔枝地梨蓮子菱角雞頭山查大而紅者曰糖球  
小而黃者曰山查有松子海棠果鰐花果有煙棗一  
名野葡萄至於柑橘金棗香圓則來自南方不恆有  
卉之屬甚多其適用者有藍藍有大藍小藍槐藍三  
種以石灰和之成質曰靛可染青藍上浮者為靛花

清潔者為黛有紅花可染絳有紫草可染紫有琉璃  
枝染綠所需四方取資有稅有蒿草即茹菴亦可染  
絳有菖蒲有茭有芭蕉

藥之屬有黃精黃芩枸杞荆芥何首烏仙茅白敘大  
戟苦參葛根葛花葛粉金銀藤天南星桔梗黃耆四  
葉參羊蹄根木瓜薄荷蘇子紫蘇蘇葉柴胡牽牛黑  
白二種酸棗仁接骨丹車前子蛇床子破故紙地黃  
桑螵蛸香附子蛇皮蟬蛻桑寄生桑白皮地膚子艾  
九頂艾鉤吻劉寄奴蒼朮地榆杏仁馬兜鈴華麻子  
地脂白蒺藜山次菇杏參沙參麥門冬甘草威靈仙

龍膽草百合猪苓知母漏蘆元胡索益母草夏枯草  
天花粉桔樓蒼耳篇蓄郁李仁栢仁紫草草烏射干  
旱蓮花芫花律草小薊大薊旋覆花王瓜即赤龍子  
葭若子覆盆子露蜂房枳殼土蜂房蜚蠊早旋花即  
馥子苗菥蓂五加皮當歸地錦草俗名雀兒卧單狼  
毒蒲公英俗名婆婆丁穀精草紫花地丁無名異商  
陸丹參蝦參烏茨地骨皮葉本芎藭葶藶蒲黃皂莢  
禹餘糧翻白草卷栢百部莪朮兔絲子酸漿草茴香  
花椒牛黃金剛骨細辛老鴉蒜麻黃急性子鼠粘子  
三稜

按舊志所載藥甚多其與政和本草複者今不錄  
禽之屬有鶯雉俗名野雞燕以社日來去鵠鵠鵠  
雀鵠鵠鵠鵠鵠鵠鵠鵠鵠鵠鵠鵠鵠鵠鵠鵠鵠  
兒白鶯練雀灘鵠鵠鵠一名梟俗名夜貓鵠鵠鵠  
鵠捉免者曰免鵠夜鳴者曰恨鵠鵠黃雀硃頂鵠雀  
俗呼字字畫百領鵠鵠鵠鵠鵠鵠鵠鵠鵠鵠鵠鵠  
紅足夜鳴鵠山鵠有紅嘴者鵠一名洵河鵠一名竊  
脂頸有文采黎頭鵠刺布殺一名鵠鵠一名戴勝一  
名鵠鵠阿卵河野雀其色如翠蘆雀嘗棲蘆葦中自  
鳴草草七因以呼之鵠桃雀也即巧女鵠自鳴悔煞

我人亦名為杜鵑鳥沙燕似燕而小多巢土穴石雞  
火燕臘嘴鵲嘴黃鵪油葫蘆山和尚獵草雞長尾郎  
麻姑油貼樹皮黑尾杓至於鴝鵒鵲畫眉天鷲地鵲  
則來自他方不恒有

獸之屬有馬驢騾牛羊鹿麋獾狐犬豕兔狼蝟貓鼠  
鼯青腰野狸貉地羊

鱗介之屬鱗則有魴鯉鯢鮎鯉鯽白鰮鰻鰓諸族介  
則有龜鼈螺蚌蝦蟳諸族其餘不可殫記

昆蟲之屬有蠶可作繭生椿樹者曰椿繭生榭樹者  
曰榭繭野蠶生山中者曰山繭有蜜蜂能釀蜜蜜之

凝結者為黃蠟又有白蠟生白蠟樹及苦梨樹其餘不可殫記

布帛之屬有繭紬綿紬屯絹布有平機潤布小布三種

雜產之屬有蒙茶有羊肝石產仙臺山可以磨鏡有花板石一名五音石可點笙簧有五色文石產卧狼山光明可鑑一名寶石有磨針石出交戰頂有上水石出袁洪峪及湧泉菴有甘子土出塔山及苦洪峪可以和錫又有鐵母城東九里高尺餘峯壑俱備皆磁石也

以上俱見縣志

漢時濟南為產鐵之地後漢志言東平陵有鐵歷城有鐵又韓稜傳肅宗賜陳寵寶劍曰濟南椎成注椎直追反韓官作鍛成是不惟產鐵又出名劍今府學之鐵牛靈巖寺之鐵袈裟皆鐵之精英發見於地上者也

顏炎武山東考古錄

孔平仲常父寄半夏詩齊州多半夏採自鵲山陽累累圓且白千里遠寄將新婦初解包諸子喜若狂皆云已法製無滑可以嘗大兒強占據端坐斥四旁次女出其腋一攫已半亡小女作蠅行乳媪代與攘分頭各咀嚼方愛有所忘須臾被辛螫棄餘不復藏競



以手捫舌啼噪滿中堂父至笑且驚亟使啖以薑中  
宵方稍定久此燈燭光大鈞播萬物不擇寐與良虎  
掌出深谷鳶頭蔽高岡春草善殺魚野葛挽人腸各  
以類自蕃敢問孰主張水玉名雖佳神農錄之方其  
外則皎潔其中則堅剛奈何蘊毒性入口有所傷老  
兄好服食似此亦可防急難我輩事感惕成此章

志

江清

蘇轍西湖二詠西湖不放長竿入羣魚空作淘河食  
漁人攘臂下前汀蕩漾晴波浮兩腋藕梢菱蔓不容  
網箱作長圍徒手得逡巡小舟十斛重踴躍長魚一

夫力柳條穿頰洗黃金鱠縷堆盤雪花積燒薤香橙  
巧相與白飯青蔬甘莫逆食罷相攜堤上步將散重  
煎葉家白人生此事最便身金印垂腰定何益

魚

芡葉初生縐如縠南風吹開輪脫轂紫苞青刺攢蝟  
毛水面放花波底熟森然赤手初莫近誰料明珠藏  
滿腹剖開膏液尚糲糊大盎磨聲風雨速清泉活火  
會未久滿堂坐客分升掬紛然咀噍惟恐遲勢若羣  
雛方脫粟束都每憶會靈沼南國陂塘種尤足東遊  
塵土未應嫌此物秋來日嘗食

食雞頭  
藥城集

王士正歷下銀絲鮓詩金盤錯落雪花飛細縷銀絲  
妙入微欲析朝醒香滿席虞家鯖鮓尚方稀

集

歷城縣志卷第五終

歷城縣志卷第六

山水考

易翼曰俯以察於地理釋者謂山川高深九地理之燥陳可見者禹貢山水既列叙於九州後復有導山導水之文作水經者凡一水所歷雖數千里之遙皆可因端以知委誠善學禹貢者矣今郡縣之志所記不過數百里內而多割裂破碎使觀者樊然淆亂莫能尋其條理豈非由於倂前人之矩哉濟南山水甲齊魯泉甲天下于欽氏之言也夫泰山陽魯而陰齊縣之山無不分於泰山者濟南以濟瀆得名縣之水亦無不歸於清河者

既舉其綱然後其罔繅之連亘泉源之競發可條舉而  
縷觀矣作山水考

山一

歷城以歷山得名歷山南接泰山連亘不斷實皆泰山  
之支也泰山之後為長城嶺長城者春秋齊魯之界西  
起平陰東盡於海歷城之山無慮皆分自長城嶺矣嶺  
南水皆南流其北水皆北流故又名分流山

顯王十八年齊築房以為長城

竹書紀年

徐廣曰濟北盧縣有長城東至海

裴駰史記集解

濟南郡東南有分流山

段成式酉陽雜俎

齊記宣王乘山嶺築長城西起齊州

孫氏新山雜記

括地志長城西起鄆州平陰縣沿河歷泰山北岡由

穆陵關至密州琅琊臺入海

同上

長城嶺在岱陰即齊之鉅防

舊志

按山左諸山之脉有謂自西而東者舊說也有謂

自東而西者新說也今姑從舊說

長城嶺東北行而西北分入縣界者拔山為大麻峪水  
出其陽花灘水出其陰拔山西北為五女石山其西為  
長清之雞鳴山

長城嶺又東北而北分者莫高於鞦韆臺鞦韆臺右分

為玉皇嶺左分為東棋子嶺兩山之間錦雲川水出焉  
鞦韆臺西北三十里為棋子嶺又西北之山疑即水經  
注之玉符山也其高峯多以寨名有黑山楊廣方山魏  
花天麻迷魂牛頭九女之屬方山齊乘謂疑即水經注  
之玉符山玉水之符名以經此山也玉水見水經則玉  
符山之名自在水經未作之前後世名目漸多乃以一  
峯當之而齊乘又云靈巖山與方山相連疑即玉符山  
後人遂以靈巖為玉符不知靈巖山前後之水源流皆  
與朗公谷水無與其非玉符不待辨也山又有勞泉月  
牙潭口諸嶺有峪曰隱士洞曰黃花其山之南與山之

西巖壑亦奇勝半在長清縣界其西北一峯為長清之  
崛山自棋子嶺至崛山五十里玉水經崛山東而西北  
注於大清河

琨瑞水西北流經玉符山

見水經注

濟南郡有方山相傳有負生得仙於此山南有明鏡  
崖石方三丈魑魅行狀了了然在鏡中南燕時鏡上

遂使漆焉俗言山神惡其照物故漆之

百陽雜記

龍洞西南有方山長清縣界疑即水經之玉符山

齊乘

魏花寨在中宮鎮南宋指揮魏花所居

舊志

九女寨在魏花寨南一名三媳婦寨三石壁立宛如



三婦並立雲中

楊廣寨在道溝南

天麻寨在九女寨南形勝陡絕楊家寨賴此為犄角  
迷魂寨在天麻寨西

牛頭寨在迷魂寨西

棋子嶺在黑山寨西南東西二嶺通官木礮西嶺為  
黃家峪之徑

勞泉嶺在天麻寨西黃家峪之徑

月牙嶺在勞泉嶺西北四禪寺之徑

罅口嶺在月牙嶺西峒山之徑

道溝峪在魏花寨前林壑無際內產櫻桃

隱士峪在勞泉西

葫蘆崖在隱士峪南

以上俱舊志

玉皇嶺縣人登岱之徑也北為季二寨又西北為觀音洞又西北為蠶山又西北為扶山扶山一名南扶山有洞三曰子房曰潮音曰華陽子房洞深數里許下有地河好奇者每探之聞水聲潺潺則不敢渡矣扶山之東北為龍岡嶺自瓦子嶺至扶山可三十五里錦雲川水經南扶山西而北注於玉水

季二寨在楊家寨東南

舊志

孟家寨在季二寨南

玉皇嶺在出山溝東南延亘二十里登岱必由之徑  
子房洞在扶山東嶺曲折深百餘步內為黃石留候  
外為三清峻閣凌空

栢崖在都泉南

龍岡在梨峪西北

以上俱  
舊志

長城嶺又東北而北分者為瓦子嶺又北為齊城山或  
曰上舊有城因名又北為柳埠南之嶺尖其自瓦子嶺  
至嶺尖長亦可三十里其西峪曰梨峪其水北注於朗  
公谷水

瓦子嶺在齊城峪南過山皆瓦礫相傳為秦皇行石

登岱之徑

舊志

華陽洞潮音洞俱在黎峪

同上

長城嶺又東北而北分者為交戰峯岱北諸山無高於交戰峯者又北為田龍山又西北為靈鷲山山之西有九塔寺自交戰峯至此可二十五里其西峪曰齊城峪其水經靈鷲山西而北會於窩鋪峪水

交戰峯在柳埠東南二十里頂有數穴深不可測時

出雲霧亦呼雲洞

舊志

長城嶺又東為松峯一名松尖又東為天麻頂又北為

安花嶺又西北為龍王崖又東北為宴仙駝山又西北為金驢山自天麻頂至此可四十里金驢舊志作金廬考晉陽雜俎當作金驢事雖不經山中人至今猶能述之則其來遠矣盛驢以聲形相近而訛耳其西峪曰窩舖峪其水經金驢山南左會齊城峪水而西會於玉水晉僧朗住金榆山及卒所乘驢上山失之時有人見者乃金驢矣樵者往往聽其鳴響土人言金驢一鳴天下太平

既成式續  
西陽雜俎

松峯在窩舖南一名松尖

舊志

天麻峯在窩舖東一名天麻頂其高十里

雲洞在交戰峯

金廬山城東南八十里下為朗公谷見興公碑及高

僧傳亦呼金興山

以上俱舊志

長城嶺又東北其北分者曰梯子山梯子山之左有仙龍潭玉水源也又北為平頭山為赤草嶺為黃尖又東北為黑牛寨寨東為風門為龍集山寨西為燕子臺寨北為大龍道小龍道又西北為馬頭山山下為黃巾石屋上有白雲洞洞下有白雲泉又西北為琨瑞山朗公寺在其下琨瑞山見水經注一名金興谷崑崙山見高僧傳與或作榆崙或作崙皆字之訛也齊乘又名為西

龍洞山崖曰紅鶴曰千佛佛像多魏齊及唐人所鑄又西北為康王山山東巖有泉水石室下有醴泉康王山或曰即太甲陵後漢書志注皇覽曰太甲陵在歷山上不應在此豈其時南山通得歷之名與自平頭山至此七十餘里玉水左會錦雲川水經康王山之西為黑水崖而北會於錦繡川水

朗公谷舊名琬瑞溪故事頻泰書云朗居琬瑞山

水經注

竺僧朗於金興谷崑崙山中別立精舍猶是泰山西北之一巖也峯岫高險水石宏壯谷中舊多虎災人

多執仗結羣而行及朗居之猛獸歸伏晨行夜往道  
路無滯奉高人至今猶呼金輿谷為朗公谷也

釋慧  
皎詩

僧傳

西龍洞山府南六十里符秦時僧朗居此

齊乘

平頭山城東南一百里

肅志

赤草嶺神通寺東西營之徑

馬頭山城東南七十里一名馬頭寨削壁千尋其下

即黃巾石屋

龍門峪在柳埠東延袤三十餘里南抵長城

齊王寨在神通寺東北一名齊家寨



井桶峪在神通寺東北內多柿栗

黑風寨在神通寺西北一人守險千夫莫近固進可攻而退可守者

黑風洞在神通寺

千佛崖在神通寺神通之勝悉在斯巖

紅鶴崖在神通寺北石壁凌雲洞心駭目大觀也

俱舊志

梯子山之右有洞曰仙人澗曰雲梯錦繡川之源也又北為紅泉峪又北為連陰棧又東北為天羅頂上有四界石南泰安東萊蕪東北章邱西北歷城也又北為八

石崖又北為朝陽寺山又西北為皇寨又西為天青峪  
又西為漬米峪漬米峪之西南為羊皮嶺其北為完糧  
峪西北為大澗嶺龍灣水出其南大澗嶺水出其北自  
梯子山至此可三十餘里

梯子山城東南一百里千巖競秀依北諸山無出其

右

舊志

仙人洞在梯子山

龍集山在平頭山東

漬米峪在皇寨東南天青峪在漬米峪東

屏嵐山在城東南八十里丹碧映帶宛若屏風

大澗嶺在野河南南營之徑

小澗嶺在望米臺北東西營之徑

豬頭嶺在大澗嶺西西營之徑

八石崖在玉泉寺東南數峯陡立勢欲摩空

以上俱舊志

大澗嶺東北為寨兒頭山又北為勾脚嶺又北為杷頭

山自大澗嶺至此可二十六里

皇寨在太平寨東

舊志

天平寨在大水坑北

雞鳴寨在東務南

勾脚洞在勾脚嶺亦名白雲洞

以上俱舊志

大淵嶺西南為桃花嶺桃花嶺北為麻搭嶺又北為大  
爐嶺又北為青山俗名青山頭又北為看河嶺又北為  
蓮花山蓮花山之東北為鳳凰山又東北為龍岫山龍  
岫山之西北曰雪山曰將山曰鮑山鮑山固鮑城得名  
或作岫非也龍岫之東北曰馬山曰和山光曜榮墓在  
和山之陽自桃花嶺至此可三十餘里和山見李國鳳  
張宏神道碑俗呼為鶴山和山之北有八蜡山八蜡山  
一名三台山

歷城有鮑山

魏書地  
形志

桃花嶺在燕鵬窩南大水坑之徑

舊志

桃源洞在桃花嶺南一名朝陽洞

麻搭嶺在大名北東務之徑

青山城東南四十里與蓮花峪對

紅山一在城東四十里蓮花峪

鳳凰山城東四十里有玉皇宮玉女祠每當三月二

十八日士女聯集

看河嶺在張林坵西神武之徑

以上俱  
舊志

何龍登華不注望鮑山詩雲中一點鮑山青東望能

令兩眼明若道人心似矛戟山中那得叔牙城

和山之東北十里曰喻山蓋分於章邱之武家山

縣境者也見元張泰亨段徽神道碑舊志作虞山圻人  
又附會之曰山有虞仲墓矣上有玉女祠康熙四十四  
年大雨有泉出於山巔至今不涸土人名之曰神應泉  
虞山城東北五十里上有聖母祠石皆紫沙作碓磳  
尤勝章北女郎

舊志

嶢山之東二十里曰龍山當以章邱之龍盤山而名而  
去山為遠矣金史歷城有龍山鎮明於此設龍山驛

東魏郡蘇吾有龍山

魏書地  
形志

晏謨齊記云殷末周初有神龍潛於此山遂以為名  
兩縣中分南屬全節北屬章邱上有神迹祠

太平寰  
宇記

妙正寨在龍山宋末長白山寇李全據濟南時其妻

楊妙正所居

齊音

按齊音多附會之說此事亦未知所本

龍盤山在章邱縣南十八里綿亘甚遠西接歷城界

大清一

統志

濟南郡城東七十里龍山鎮即水經注巨合城也東

坡陽關詞舊注引孟嘉落帽事大謬施注竟畧之以

此知注書之難

香祖筆記

蘇軾陽關曲濟南春好雪初晴行到龍山馬足輕使

君莫忘雪溪女時作陽關腸斷聲

東坡集

王象春妙正集詩巨合河邊問李全妙正營寨尚依

然三分輕重歸誰是鎗號梨花二十年

齊音

劉伍寬龍山過李子贊兄弟詩門前巨合水西北繞

平陵喬木傳何代奇書結好朋秋風瓜架酒夜雨竹

簾燈參佐橋邊宅風流嘆未曾

海右堂集

沈廷芳龍山對月詩龍山幾回宿今夜月娟娟樓倚

吹簫客雲疎閣雨天流風懷子固迴句誦坡仙

東坡有過

龍山詩村酒足開抱匡牀醉未眠

忠拙齋集

趙瓚甲申暮春宿龍山驛詩客途連日倦征鞍旅舍

風清月已寒故李將軍貪卧穩鄰亭不必問何官

採訪



桃花嶺又西北為大泉嶺又西為鐵角嶺

鐵角嶺在大泉嶺西金剛鑽之徑

舊志

鐵角嶺西分為青頭山或曰古名青牛山或曰當作青桐山錦繡川北之山以青桐為最高矣西巖有大穴曰老魔窟以石投之不聞其所止有洞三曰大佛內石佛高二丈許曰李密曰三仙又西南為辟塵尖又西為立旂嶺為香孤山又西為八達嶺又西南為火龍寨又西為紅山自鐵角嶺至此可二十五里錦繡川水經紅山南而西南會玉水於康王山之西

青頭山城東南五十里峻嶒出衆跨連五十餘里

舊志

孤山在中宮東一名香孤山有玉皇祠碧霞宮為三川祈福之地

香爐寨在八達嶺西

八達嶺在雙井峪南大佛寺之徑劉公嚴有詩碑

立旂嶺在孤山後牛家莊之徑

天井峪在八達嶺東北

黃崖在孤山東

李密洞在大佛寺

紅山在城南五十里相傳洞上有二皂鵬高數尺翅

若輪蒼狐狡兔見此俱不能逃

以上俱舊志

李攀龍桃花嶺詩一渡桃花嶺烟霞處處新縱迷源

上路猶似武陵人

徐演集

劉亮采八達嶺詩多病郎官甘放逐顛顛將身入林  
麓令尹乞得寢邱田司空自住王官谷谷口千山更  
萬山八達之嶺曾嘗聞游人一望心膽寒塵埃隔絕  
如重關泰鼎如冠新時祝旋開一徑通樵牧順風之  
呼非加疾衆志所同功自速成功有衆舉欣欣中有  
一人情懷感吁嗟乎闕者難為屬繫者難為樸混沌  
於今尤儵忽君不見桃源好避秦漁人轉盼失其津  
長袍大袖頻來往從此商山不重人

韓志

鐵角嶺西北為南靈臺山又北為白雲山城東之山無  
高於白雲者南靈臺山其西南峪也見唐碑今名東佛  
峪巖石如夏屋佛殿在其下終古不受風雨靈臺俗名  
釣臺其東南峪曰南山泉其西有朝陽洞其支峯有車  
脚山拖岡嶺旋子嶺之屬又西北為草山嶺自鐵角嶺  
至此可三十里

白雲峯在龍洞東一名白雲頂

舊志

東佛峪在龍洞東五里內有般若寺泉出厨間雲生  
殿內尤為勝絕

車脚山城東四十里

旋子嶺在老鼠溝東南東西二務之徑

拖岡嶺在青山西漢王峪之徑

草山嶺在城東十五里神武之徑

以上俱舊志

沈廷芳佛峪詩辭洞躡華確幽峪尋佛而

明碑作透佛而

迤亂山曲曲徑形如之倚筇石笋罅歷級茅亭陞峪

前崖萬仞峪後栢千枝破寺新締葺傳聞構自隋好

峯勢倒崖崦崎簷際垂殿角雲吐窟扈側泉噴池一

壑衆籟集晝夜無停時音繁境逾靜興逸神何怡山

鳥忽羣鳴喚客樂不支我亦憺忘歸願與古佛隨

集

法坤厚佛峪詩溪窮見橫幃幃回溪頻折亂流入深  
林雲開影忽別劃壁塗丹砂懸巖崩枯鐵莫復問空

桑山靈無生滅

白石山人集

佛峪石壁詩懸巖抗磯石歧出如層軒蔭以老檜栢  
蒼翠凌空翻蓋壁流明月百變殷苔痕愛此景色妙

露坐清心魂

同上

靈臺詩高臺矗中起方石如削成其下俯絕磻四圍  
山雲橫登臨送夕照相期邀月明好與持尊酒靜聽

松泉聲

同上

鐵角嶺西北為鑛村之南山鑛村當以山有鑛而名明

萬歷間濟南諸郡開鑛稅使四出民之被害最烈論者皆謂明之所以亡由於此今無識之人猶有欲規為利藪者何也

鑛村之南山又西北復西南分為二支一支分而西南一支分而西其西南一支為仙臺山相傳漢武帝嘗於此望祀蓬萊今名南仙嶺北仙嶺南仙嶺西南為卧虎山山西巖有洞二曰潮陽曰觀音東巖有洞一曰黃洞玉水經其南舊志目為三川之鎖鑰者也山後有白公泉自鑛村之南山至此可三十餘里北仙嶺西南為石田寨山又西南為黃山上有瓢峯下有渴馬崖曾南豐

謂土水汎流於此自鎮村之南山至此可四十餘里黃山俗名橫山又名紅山皆黃字之訛也北仙嶺又西北為完備山又西北名黃山嶺又西北盡於長清之獵山獵濟南行記作獵自北仙嶺至獵山亦可三十餘里黃山府西南六十里山周如城岱陰諸谷之水奔流至山西滙為池圍數畝不溢而伏山即渴馬崖也伏流至府城之西而出即趵突泉也

齊乘

按黃山舊志縣境南山圖在玉水南今據齊乘當在其北

仙臺山在府城南四十五里相傳漢武帝嘗於此望



祀蓬萊

陸通志

石固寨山在府城南五十里下有渴馬崖南有瓢峯  
鳳凰山西丁公嶺東有虎山上有修正觀

同上

慕容德乘時取青齊而成霸業石固寨乃其故壘舊  
有德廟今廢劉裕潛度大峴塞五龍之口破廣固城  
濟南諸寨無所用之

齊音

仙臺山在城南四十里上產羊肝石花板石

舊志

卧虎山在城西南五十里岱北諸谷之水至山下始  
合故論形勝者以此為三川之鎖鑰

黃山祭戟排連周如城郭延亘四十餘里為西南藩

籬

樓斗山在城西南三十里其下為樓峪

石固寨在城南四十里四面皆險惟西南一徑可入  
黃花寨在石固寨西一名小寨

丁公嶺在大王寨東南渴馬崖之徑

五道嶺在完備山南宅科之徑

夜叉嶺在石固寨東兩仙溝之徑

南仙嶺在紅山西北中宮之徑

北仙嶺在南仙嶺北中宮之徑

楊山嶺在丁公嶺東石灰溝之徑

黃山嶺在井家溝西南黃山店之徑

鐵牛嶺在兩仙溝東免石窩之徑

將軍嶺在甲山之西農村之徑

樓斗峪在楊山嶺西

渴馬崖在寨兒頭西即梯子崖三川之水至此伏流  
葛溝崖在科宅北崖石多怪一帶清流悉經巖下

背陰洞在丁公嶺後

瓢峯在渴馬崖上其形似瓢雲自瓢出主雨自瓢入  
主晴一名瓢兒巖俗呼瓢葫蘆寨

黃花洞在瓢峯後釋迦羅漢竒古絕倫俱明昌中所

銅

黃洞在卧虎山

以上俱舊志

王象春石固寨詩英雄熱眼察天時手割山河似畫  
脂豈料寄奴偷峴口連城七十倒旌旗

齊音

其分而西之一支為遮護嶺又西為玉函山一名卧佛  
山其北一小山名龜山

齊郡函山有鳥足青背赤黃素翼絳額名王母使者  
昔漢武登此山得玉函長五寸帝下山王母忽化為  
白鳥飛去世傳山上有王母藥函常令鳥守之  
濟南行記千佛山之西有函山長二十里許山有九

十谷泰山之北麓也泰山去城百里而近特為函山

所礙天晴登北渚則隱隱見之

遺山集

函山府南二十里又名卧佛山

齊集

岱畎圖經又北百二十里為玉函之山嘗有玉函其

上漢帝啟之化為白鳥是為王母所使亦門千佛之

巖其下齊州在焉是為北紀

穀城山  
諸集

玉函山上有碧霞殿路有十八盤三十年前香火雲

集埒於泰廟歲餘乃已

舊志

白土岡在火關東南

楊頭寨在函山東頂陰崖凌厲勢欲飛揚故名

汕簑寨在函山佛峪

花山峪在函山東北

西佛峪在函山西北丹柿滿谷異境天開其內有蕨

珠泉

以上俱舊志

晁補之譙郡對酒憶玉函山詩

自注齊州西樓對此山

不遺西

樓對此山宋譙頻綴副車銜今年重汚花前酒猶是

揚州別駕衫

雞肋集

李攀龍過吳子玉函山草堂詩玉函山色草堂偏恰

有幽人擁膝眠樹杪徑廻千澗合窗中天盡四峯連

綠陰欲滿蠶桑月白首重論竹馬年就此一樽無不

可因君已辦阮家錢

滄濱集

于慎行玉函山眺望詩岱宗直北玉函開海客乘春

躡鶴來絕壁松杉含寶相中峯雲氣出香臺湖邊萬

井烟光動城上雙河練影迴青鳥不歸丹鷲遠仙踪

佛地兩徘徊

說城山館集

朱倬秋日登玉函山詩紅葉古巖陰黃花野寺深斜

陽明嶺背秋水淨禪心何處飛青鳥悠然鼓素琴歸

來新月上林外有青砧

梧愁吟

玉函山之西北為奎山奎山之支峯為甲山為龍山為  
卧狼山為紫青山明張禹范瑟墓俱在山之陽范墓僅

存誥勅碑一張墓僅有龜趺墓皆無存矣中有峪曰石  
房龍山一名龍窩山其西北為白馬山白馬山之東有  
小山曰琵琶山自玉函山至此可二十餘里

奎山在縣西南十五里按三齊記云縣西有奎山公

神似猪頭戴珠冠殷時有道士在縣隱野火四發道

士祈天即時降雨今人遇旱燒山乞雨多驗

太平寰宇記

奎山上有神祠

舊志

卧狼山在城西南十五里其上一穴產五色文石光

明可鑑又名寶石山

白馬山在城西南十五里



甲山在城西南二十里巖內有修行洞

石房峪在墳莊東

風兒峪在卧狼山西崖懸雙洞面壁孤峯菊綻重巖

幽香滿淵峪南出五色石

正武洞在卧狼山巖下萬歷間羽士寶車所闢

馬武寨在卧狼山西史稱武未遇時綠林渠寇流劫

至此旗墩石甃猶存

龍山在城西南十二里山陰一洞可供游憩以上俱舊志

自礦村之南山而西北分者禹登山為大九域志云禹

所嘗登也山有洞曰龍洞亦名龍洞山宋元豐二年封

龍潭仲為順應侯其峯之最奇者曰三秀曰獨秀有龍潭三水不甚深而大旱不竭禱雨多應自鑛村山至此可六七里

楊載趙公行狀公早禱龍洞山有雲如車蓋隨馬而行頃之大雨驟至逾月復旱東門外有龍潭潭上有

廟公為文以責之是夜雷雨大作槁苗復蘇

松雪文集

東龍洞山府東南三十里山如重甌

音言甌也爾雅重甌陳此山類

之西洞透深一里許秉火可入東洞在萬仞絕壁之

上洞口釜鬲尚存烟火之跡如墨蓋昔人避兵引絙

以上中必有泉不知其深幾許耳有翠外巖獨秀峯

三秀峯峯側龍祠郡邑禱雨極應宋封靈虛公九域  
志又云禹登山謂禹治水嘗登齊

按宋元豐二年封龍洞順應侯勅牒碑今尚存齊  
乘云封靈虛公恐誤

龍洞山城東南三十里削壁峻峭丹碧掩映有錦屏  
環列之狀故歷下八景標曰錦屏春曉

舊志

東洞出萬似絕壁之上上有二石甕

三秀峯獨秀峯俱在龍洞上

龍洞在禹登山西麓內透深里許壁間調御悉出天  
成大為奇觀

藏龍洞在龍洞西北山形變化應接不暇

以上俱舊志

張養浩龍洞山記歷下多名山水龍洞為尤勝洞距城東南三十里舊名禹登山按九域志禹治水至其上故云中有潭時出雲氣旱禱輒雨勝國嘗封其神曰靈惠公其前層峯雲矗曰錦屏曰獨秀曰三秀釋家者流居之由錦屏抵佛刹山巉巖環合飛鳥劣及其半即山有龕屋深廣可容十數人周鑄佛像甚夥世兵逃亂者多此焉依然上下有二穴下者居傍可逶迤東出其曰龍洞即此穴也望之窅然竊欲偕同來數人入觀或曰是中極闇非燭不能往即遣僕燃

束茭前導初馬若高澗可步未幾俯首馬未幾磬折  
馬又未幾膝行馬又未幾則蒲伏馬又未幾則全體  
覆地蛇進馬會所導火滅烟鬱勃滿洞中欲退身不  
容引進則其前愈隘且重以烟遂械吻抑鼻潛息心  
駭亂恐甚自謂命當盡死此不復能出矣余強呼使  
疾進衆以烟故無有出聲應者心尤恐然余適居前  
條得微明意其穴竟於是極力奮身若魚縱焉者始  
獲脫然以出如是僅里所既會有泣者恚者詬者相  
譏笑者頓足悔者提肩喘者喜幸生手其額者免冠  
科首具陳其狼狽狀者惟導者一人年稚形瘠小先

出若無所苦見衆皆病亦陽惻為殆其譙於外者即  
舉酒酌穴者人二杯雖雅不酒必使之酌名曰定心  
飲余因默憶昔韓文公登華山窮絕頂梗不能返號  
咷連日聞者為白縣吏遂遣人下之嘗疑許事未必  
有由今觀之則韓文公之號為非妄矣嗚呼不登高  
不臨深前聖之訓較然而吾輩為細娛使父母遺體  
幾同壓溺不弔其為戒詎止切身不可忘竊虞嗣至  
者或不知誤及此故紀其事以告焉游洞中者七某  
官某洞之外坐而宴飲者四某官某凡十有一人時

延祐龍集丁巳八月也

蘇天爵  
元文類

楊衍嗣遊龍洞紀畧去歷下而東三十里有山曰錦屏巖巖盡漢環列如屏非繡非繪五色交輝每遇二三月間桃花迷徑旭日朝升設色尤奇故濟南八景以此為錦屏春曉云巖之列於東者高數百尺巖半為竇竇之中有石甕二或曰仙人置之也巖之列於西南者中空為洞洞雖在巖下然去地已數丈餘即龍洞也洞中如旋螺或高或低或濶或狹炬行半里許漸宏敞有光壁間石理自成調御之形面貌服飾妙奪人工疑有神工鬼斧雕鏤於其間循反徑而下有亭翼然在北巖下巖之列於北者有石梁如虹飛

度兩峯之間三峯而北山益峻境愈幽折而西青壁  
斗絕其下平廣如簞可坐卧數十人洞之西北有潭  
曰黑龍曰黃龍曰五龍有戲以石子擲潭中者水飛  
壁立昔有兩臺使禱雨其上矢石以激龍之怒也返  
未中道雨雹驟至避匿一民舍中始免山之寺曰聖  
壽院歷晉魏唐宋來為名利其鐫詠於石上者皆班  
班偏巖谷間天啟五年三月己未余與同志十二人  
往遊焉是日也四際無雲暖風初布桃花半落野花  
正芳頃之陰雲合微雨零烟霧蒼茫峯巒縹緲但知  
山為景中之畫頓忘我為畫中人也嗟乎人生上壽



所見春光止七十耳其中之嬰童壯健疾痛煩惱既奪其半其餘非憂非病之時又復目瞤塵沙神疲計算求此一日之樂不可得也二三同志負清曠之致結此一日山水緣其亦無愧於古人矣因為龍洞記

舊志

劉藻遊龍洞記出齊州城東南行可十里即入山山兀兀不足怡目顧巖壑森列左右夾侍數里不絕峯折處得一小村茅屋五七所半遮杏花小憩聲淙淙入耳行不數武已在碧澗中水清澈常流石子齒齒與流相礙沿流行途盤峻石牙傑立撐突水而過者

必屏息審睇少旁注鮮不仆折而南又折而西皆高  
峯前障途為塞入谷北轉松柏從石罅出高枝粘雲  
下視無際緣嶺而上人在木末下嶺見刹宇則龍洞  
壽聖院也院四圍皆峯峯萬仞壁立如削春至巖花  
乍明山鳥引吭院在屏幃內繪事者圖為錦屏春曉  
云山有洞數孔似口似耳似臼似突皆深邃其在巖  
壁上者多不可入左峯洞故龍宅名龍洞以此相傳  
禹治水嘗登山以厭龍故又曰禹登山事涉荒謬宋  
紹興中禱雨於茲輒應勅神順應侯石刻尚存右峯  
一洞可探遂然炬入陰風與火相敵捫石俯伏忽庫

忽啟忽上通如樓閣石皆廻旋紋傾上無竅以火燭之乃見入里許天光透入四壁見如來像石半剝落衣成文如綺縠出洞口攀藤屈曲以下下為澗澗水自龍潭來過澗數峯聳聳若肩隨若關擊若相謝別頃刻萬狀隨意可造西北為龍潭在二三里外其源不可尋龍洞之事於此焉窮分巖繆公滇南人也以侍從臣分符濟南聽政之暇選勝其間坐巖崖琴一弄聲徹林樾恍然若游物外意盡即歸無所繫滯從遊者莫不嘆服公之賢為不可及而並以賀茲山之遭爰載筆而為之記時雍正乙卯三月八日也

趙孟頫雨龍洞山詩蒼山如犬牙細路入深谷絕  
壁千餘仞上有凌雲木陰崖不受日洞穴自成屋蕭  
然人跡少蒼蔚獸攸伏雲林忽隱映澗道相迴復翔  
翕薄穹霄鳴鳥響巖曲臨橋濯清颺汲井漱寒玉神  
物此淵潛愆陽有所祝風漓慙善教吏懦恥厚祿誓  
懷塵外想獨往疑有牯過幽難久居濟勝乏高躅策  
馬尋故蹊歸樵相追逐

松雪集

邊貢游龍洞詩三首鳥路縈迴洞壑深出塵風景愜  
招尋山圍下界青天迥日照中巖翠栢森浮世何須  
論去住病身元不厭登臨釣磯無恙綸竿整悵望仙

潭玉鯉沉

洞門黃葉鎖秋深  
野店來遊悵古今  
恍惚漫傳龍迹  
在虛明正似佛光臨  
蒼天日月流元化  
白晝雲雷起  
太陰昏黑下山蘿  
徑遠殿鐘龕磬裊餘音

愛山無奈野情何  
路入西巖興轉多  
千丈碧潭通窈窕  
四圍青壁抱差我  
時清不射將軍虎  
地迫難求道士驚  
却對嶺牛歌白石  
醉翻朱袖拂雲和

集

陸欽龍洞詩石門裊裊度雙旌  
松徑迢迢入化城  
龍去何年留洞古  
牛眠此地護山林  
雲開寶塔芙蓉障  
日麗鶯花錦繡屏  
隱約諸天鍾磬發  
暮林啼鳥不勝

情少石  
集

李攀龍宿龍洞與魏使君同賦四首迴壑深林繞梵  
宮春來吟眺使君同空潭忽散三峯雨暗穴嘗吹半  
夜風人擬二龍精自合詩看五馬步逾工諸天坐失  
懸鐙色明月先投入掌中

使君春興滿綈袍綵筆青山對濁醪望去天迴雙闕  
迥坐來雲盡一峯高蛟龍出入嘗風雨鴻鵠折飛自  
羽毛愧我淹留逢楚客攀援桂樹咏離騷

削成東壁五雲屏下有龍宮夜不扃斗柄故臨雙瓮  
轉月明常對一珠亭春回竹葉杯光白天逼蓮花劍

氣青坐久空山仙籟寂新詩獨為故人聽

香色中峯獨不羣藤蘿二月已紛紛諸天近海金銀  
氣雙峽長春錦繡文塔影半空懸落照溪流一曲灑  
浮雲從令洞口龍吟發郢詞還須讓使君

洽漁集

酬張轉運龍洞山之作春山遙上翠微連忽出藤蘿  
一徑懸削壁雲霞開五色中峯日月隱諸天浮漚並  
結金龕麗飛簪雙銜石甕園莫怪驪珠君已得寒湫

元自有龍眠

同上

劉勑同張元平遊龍洞詩金剝香飄翡翠烟桃花千  
樹隱諸天曾巒倒曳山雲直削壁中懸石甕園寺廢

猶能留衲住洞深常意有龍眠一樽喜對張平子徒

倚松門細論禪

舊志

張元禹登山歌名山咫尺苦未至垂老無復探奇思  
故人謂是有成言無使山靈笑淹滯即日把酒犯霜  
風遙指嵐光裊空際磴确石徑緣欹峯單複錯互倏  
遷易沿溪梯磴紆盤迴忽疑無路轉開霽豁訝一簇  
闕珠宮象教香燈起初地虎牙對出峭摩天台沓凌  
臨森鬱蔽青松紅樹絡白雲攢峯聚岫翳蒼翠靈泉  
澄碧倒空青陰洞杳冥藏詭異藉石列坐亟開樽俯  
仰千秋滋嘆喟大禹登陟自何年靈跡於今在人世



懷襄水落露雲根架構玲瓏開妙麗如何勝概擬岫  
嶠不見赤石與青字銜杯矯首溯鴻濛寥落乾坤歸  
一視須臾晻霭結暝陰空山日落人皆醉巖壑蒼涼  
又一時欲去悵惘還留睇逝將結宇寄禪關容我來

叅第一義

綠筠軒集

遊禹登山詩神功傳四載曾此繫遶迴疏鑿勞三過  
懷襄奠九垓虎牙拔地起龍窟倚天開萬古平成烈  
元圭沒草萊

同上

沈廷芳遊龍洞詩花朝陰寒花未放尋春且作春山  
行東南好山列環玦華不注獨單椒名長風吹我不

可往却探龍洞來邈其峽形鐵壁立萬仞拾騎乃以  
芒屨登道宮小憩讀碑罷拍肩聯袂魚貫升洞口深  
黝劇險隘中藏怪石何峻嶒桔槔俯仰蛇委折猶賴  
童導攜松明盤紆半里始豁朗別開一洞彌幽清童  
言此境未奇絕龍洞有水尤淵渟復臨窅窅達北洶  
攬身長嘯興倍增褰裳陟足歷潭側濯我塵狀兼行  
勝邃巖峭壑松瀑鳴猿鶴為侶遺世情老友雖誦杜  
老句相約偕隱感愧并何年揮手謝時輩故山話舊  
懷東征雞黍近局遂初願矯首應叩龍之靈雲方解  
駭煦氣生出入林莽快晚晴羣峯挹客正送迎復聞

馬上哦詩聲

隱拙齋集

法坤厚遊龍洞詩何年巨靈掌壁此兩絕礪古色駁  
蘚苔畫空搖雲塹扶筇一來遊青翠仰四面疑有巖

棲人潛形不我見

白石山人集

朱令昭遊禹登山詩萬峯如劍磨青銅丹崖翠巖風  
穴通當時神禹登其上古祠色黯黃金龍此日勝遊  
攜飲具雙龜榼與琉璃鍾是時已屆仲商節林木深  
秀猶春容湍聲洶湧轉絕壑石氣淒凜吹寒風倏驚  
濃雲萬鳥集日脚頓匿焉支紅銀河萬斛供一瀉瀑  
流擘峽奔長虹須臾天低呀羅碧金霞流艷蒸洪濛

岡巒出沐氣色變高下草樹皆青葱  
樞衣高頂發清嘯斜陽明滅金芙蓉  
高天雁叫下涼葉佛閣已報黃昏  
鐘茫茫人海苦物役幾曾勝地留  
幽踪曹騰一醉

不知處夢破月落秋山空

水明樓集

自禹登山而東北分者為烟霞嶺俗名旂竿嶺其南有白雲洞翠屏巖仙人橋驚棲巖其東南為老君崖其北為轉山自禹登山至此可十餘里

錦屏巖在龍洞東巖內有錦屏春曉四字

志

老君崖在龍洞莊南峭壁撐雲危峯墜水遊龍洞者

至此始奇

白雲洞在龍洞莊西

旂竿嶺在上井東龍洞之徑一名烟霞嶺

以上俱舊志

禹登山又西北而東北分者為荆山荆山疑即古之廟山明趙世卿墓在山下又北為雁翅山又北為茂陵山自禹登山至此亦可十餘里

廟山在縣東南十里按晏謨三齊記云縣東南山後

人思舜之德置廟於此

太平寰宇記

廟山濟南行記作妙山非是

齊東

荆山在城東南十里松開掩映幾與歷山媲美

舊志

雁翅山在城東八里

同上

茂陵山在城東八里山有五峯又名五頂茂陵山上同  
按五頂葛端肅公集作五隅

歷城縣志卷第六終